



DOMOWINA

TOP 1.

Načisk protokola

10. (rjadneho) posedženje Zwjazkowneho předsydstwa Domowiny

datum:	pjatk, 17.03.2023
čas:	17.30 hodź. – 20:00 hodź.
městnosć:	žurla Serbskeho domu w Budyšinje
přitomni na městnje:	D. Statnik, M. Hančik, J. Bělk, W. Bejmak, B. Cyž, M. Funka, A. Hiccyna, M. Michałkowa, M. Młynkowa, D. Wowčerjowa
digitalnje přitomni:	H. Leipner, F. Albertowa, L. Dučmanowa, M. Hasacky, M. Libšowa (wot 19.20 hodź.), D. Maticowa, F. Ričel, B. Šćapan
zamołwjeni:	B. Bělk, M. Brycka, J. Clausen, D. Dyrlich, F. Grajcarekec, K. Grofa, W. Janhoefer, M. Mark, G. Šejn, L. Žurec-Pukačowa
njezamołwjeni:	J. Dünnbierowa
hosćo na městnje:	J. Šołćina, M. Końcař, B. Brězanowa, M. Di Sarnowa, A. Arlt (SN), M. Dźisławk (MDR), A. Ošika (k dypkej 2.), M. Šusterowa
hosćo digitalnje:	B. Melcher

0.	Zahajenje posedženja wotewrjenje a powitanje / zwěšćenje přitomnosće a zamołwjenjow / zwěšćenje wobzamknjenjakmanosće / schwalenje dnjowneho porjada / zwěšćenje zajatosće Wot cyłkownje 29 člonow zwjazkowneho předsydstwa su spočatnje 16 přitomni = 55 %. wot 17.54 hodź. 17 přitomni = 59 % wot 19.20 hodź. 18 přitomni = 62 % Z tym je wobzamknjenjakmanosć zaručena. <u>Wobzamknjenje č. 68 z dnja 17.03.2023:</u> Dnjowy porjad posedženja zwjazkowneho předsydstwa so schwali.		
	za namjet: 16	přećiwo namjetej: 0	so hłosa wzda: 0
	Namjet so z tym přiwza. Zajatosć so njezwěšći.		

1.	Wobjednanje protokola 9. (rjadneho) posedženja z dnja 27.01.2023 we Wojerecach z kontrolu zwoprawdženja tam zapisanych nadawkow Žane přispomnjenja k protokolej.
2.	Předstajenje medijoweho projekta “LUCIJA” Serbskeho šulskeho towarstwa w ramiku strukturneje změny Andreas Ošika, jednačel SŠT, čonom ZP medijowy projekt nazornje předstaji a tež rozloží, pod kotrym aspektom su mjeno za projekt wupytali. Medijowa etaža skići dobre wuměnenja za džělo z džěćimi a dorosćenymi. Wažnosć kladu wosebje na wutworjenje kompetencow, kotrež maja naslědnosć. Tež džělo rěčneje mentorki so pozitiwnje na projektowe džělo wuskutkuje. <i>Wot 17.54 hodź. je Lubina Dučmanowa digitalnje přitomna.</i> D. Statnik džakowaše so za wuwjedženja a zwurazni swoje wjeselo, zo je z tutym nowym projektom takrjec naslědnistwo SAEK zaručene. Tež člon zwjazkowego předsydstwa džakownje přispomni, zo je LUCIJA Staršiskej iniciatiwje Radwor z. t. kompetentny partner. Hłowna jednačelka Domowiny wupraji so chwalobnje wo džěle SŠT a doda, zo Domowina hižo poskitki wužiwa (na př. wučba serbsčiny pola B. Braumanoweje abo simultane přeložowanje M. Rječcyneje). Na prašenje člonki gremija, hač dyrbyja wužiwarjo za to płaćić, wotmołwi A. Ošika, zo njejsu poskitki darmotne. Woni dyrbyja dochody nadžělać a wotličić.
3.	Wobzamknjenja
3.1.	Powołanje do přihotowanskeho wuběrka “Serbske mustwo – Europeada 2024” předłoha ZP 66/2023 Člon zwjazkowego předsydstwa so praša, po kotrym modusu je so tutón wuběrk zestajał? Pola Serbskeho Sokoła so nastupajo sobudžěła we wuběrku njeje nichto naprašował. Po jeho měnjenju by so Sokoł dyrbjał zapřijeć, wšako su tež w zašłosći Europeadu přeco sobu podpěrali. Jednačel Domowiny wotmołwi, zo je so přislušny referent zawěsće najprjedy raz na tych wobroćil, z kotrymiž je dotal tute zarjadowanja přihotował. Nastork člona gremija budže wón na kóždy pad dale posrědkować. Hłowna jednačelka kaž tež dalši člon gremija so runje tak za to wuprajišaj, zo dyrbjał so Serbski Sokoł sobu zapřijeć. Předsyda Domowiny zjima wuměnu a namjetuje, zo so zarjad na Serbski Sokoł z próstwu wo namjet wobroći. Prezidij móže člonstwo we wuběrku přechodnje wobzamknýć. Zwjazkowe předsydstwo móže konkretizowanje člonstwa wuběrka na přichodnym posedženju nachwatać. Člonojo gremija namjet witaja. <u>Wobzamknjenje č. 69 z dnja 17.03.2023:</u> Zwjazkowe předsydstwo wobzamkne: Domowina powoła scěhowacych zwólniwyh do přihotowanskeho wuběrka „Serbske mustwo – Europeada 2024“: Sven Ballack Frank Ričel

	Franciska Hellnerowa Frank-Norbert Sieg Handrij Strelow Feliks Šwjela Bjarnat Deleńk Marcus Końcař Pětr Brězan Clemens Škoda Za člonow wuběrka płaći prawo na narunanje po jednanskim porjedže za čestnohamtske skutkowanje. Wuběrk móže sej swójski džěłowy porjad dać. <table><tr><td>za namjet: 16</td><td>přećiwo namjetej: 0</td><td>so hłosa wzda: 0</td></tr></table> Namjet so z tym přiwza.	za namjet: 16	přećiwo namjetej: 0	so hłosa wzda: 0
za namjet: 16	přećiwo namjetej: 0	so hłosa wzda: 0		
3.2.	Powołanje zastupjerki Serbow do Krajneje staršiskeje rady Sakskeje <i>předłoha ZP 67/2023</i> Přitomni člonoyo dóstanu blidowu předłohu ze změnu wobzamknjenja. <u>Wobzamknjenje č. 70 z dnja 17.03.2023:</u> Zwjazkowe předsydstwo Domowiny namjetuje, powołać Katrin Suchec-Dźisławkowu jako zastupjerku Serbow do Krajneje staršiskeje rady Sakskeje po § 22 wotrězk 1 sada 2 postajenja k sobuskutkowanju staršich (ElternmitwirkungsVO) hač do kónca šulskeho lěta 2024/2025. Za to wothłosuje so ze staršiskimi rěčnikami šulow ze serbskim poskitkom w Sakskej. <table><tr><td>za namjet: 15</td><td>přećiwo namjetej: 0</td><td>so hłosa wzda: 2</td></tr></table> Namjet so z tym přiwza.	za namjet: 15	přećiwo namjetej: 0	so hłosa wzda: 2
za namjet: 15	přećiwo namjetej: 0	so hłosa wzda: 2		
4.	Přihoty 22. hłowneje zhromadźizny Domowiny 2023			
4.1.	Naćisk rozprawy zwjazkowego předsydstwa wo zwoprawdženju džěłowych směrnícow w lětomaj 2021 a 2022 <i>předłoha ZP 68/2023</i> Rozprawa je člonam ZP z wulkeho džěla hižo znata, w přichodnych dnjach so delnjoserbsce hišće wudospołni a rěčnje koriguje. Rozprawa njebudže w delegatnej mapje, ale budže so separatnje posrědkować. Člon zwjazkowego předsydstwa chwaleše, zo rozprawa dwurěčnje předleži. Přiwšěm sebi hišće trochu wjetši podžěl delnjoserbsčiny přeje, na wurunanosć wobeju rěčow dyrbi so džiwać. Hłowna jednaćelka wupraji na tutym městnje wulki džak Erwinej Hanušej za jara akribiske a spuščomne džěło. <u>Wobzamknjenje č. 71 z dnja 17.03.2023:</u> Zwjazkowe předsydstwo Domowiny wobzamkne: Rozprawa zwjazkowego předsydstwa k zwoprawdženju džěłowych směrnícow Domowiny w dobjě 2021-2022 so schwali. Wona ma so z wuprajenjemi k džělawašći předsydy, zwjazkowego předsydstwa a jeho prezidija kaž tež wuběrkow wudospołnić a Hłownej zhromadźiznje předpožić.			

	za namjet: 17	přečiwo namjetej: 0	so hłosa wzda: 0
4.2.	Namjet za džělowe směrnicy Domowiny za dobu 2023-2025 <i>předłoha ZP 69/2023</i> Hłowna jednaćelka k tomu wuwjedže, zo su do předležaceho naćiska zapřijeli doporučenja a namjety džělowych skupin z posedženja ZP 27.01.2023 we Wojerecach. Naćisk je zjawnosći na webstronje přistupny a župy/towarstwa su jón pisomnje dóstali. Zamowliči župow a towarstwow maja tež hišće móžnosć k wuměnje dnja 29.03.2023 na posedženju z předsydu D. Statnikom. Namjety su witane, dyrba pak so pruwować. Tohodla prosy wo to, zo so namjety hač do 1.04.2023 zapodadža a nic hakle na dnju zhromadźizny. Čłon gremija měni, zo dyrbi so digitalizacija bóle zapřijeć. Wón chce w přichodnych dnjach namjet formulować. Dale chce wědžeć, hač su to směrnicy jeničce za džěło Domowiny abo za “cyły serbski swět”, na což hlowna jednaćelka wotmołwi, zo towarstwam njemóžemy předpisać, što maja činić abo što wot nich wočakujemy. Rady pak jich prócowanja podpěrujemy. Dalša člonka gremija ma wobmyslenja k dypkej 4.2.: formulacija njewupraji po jeje měnjenju to, štož poprawom měnja. Tu dže woprawdže wo wotewrjeny cyłk, nikomu so kompetency njebudžeja sćazać. Hłowna jednaćelka namjetuje, zo so kubłanski wuběrk z tutym dypkom zaběra a wotpowědnu směrnicy skonkretizuje. Předsyda Domowiny doda, zo džělowe směrnicy njemóža wšitke wobsahi wukładować. Doporuči, zo móhl kubłanski wuběrk jedno- abo dwustronsku papjeru tomu nadžělać, zo byštaj so zapřijeće a zaměr naprawy definowalaj. Za zjawnu diskusiju by to tež spomóžne bylo. <u>Wobzamknjenje č. 72 z dnja 17.03.2023:</u> Zwjazkowe předsydstwo Domowiny doporuči delegatam 22. hlowneje zhromadźizny Domowiny schwalić naćisk džělowych směrnicy Domowiny za dobu 2023-2025.		
	za namjet: 17	přečiwo namjetej: 0	so hłosa wzda: 0
4.3.	Informacija wo aktualnej ličbje delegatow HZ 2023 – kónčny staw Aktualny staw člonstwa (staw: 31.12.2022): 7.299		
4.4.	Namjet za jednanski porjad HZ 2023 <i>předłoha ZP 65/2023</i> Člonka gremija wupraji swoje zadžiwanje, zo dyrba so dlěše diskusije přinoški přizjewić. Čehodla njedyrbało to tež na dnju zhromadźizny móžno być? Tež dalši člonojo so za změnu w dypkomaj 8. a 11. jednanskeho porjada wuprajichu. Dojednachu so na sčěhowacej změnje: dypk 8: “Diskusijne přinoški měli so na 5 mjeńšin rěčneho časa wobmjezować.” dypk 11, poslednja sada: “Hłowna zhromadźizna wo namjetach jednotliwje wothłosuje.” <u>Wobzamknjenje č. 73 z dnja 17.03.2023:</u> Zwjazkowe předsydstwo wobzamkne: Zwjazkowe předsydstwo doporuči delegatam 22. hlowneje zhromadźizny jednanski porjad tuteje zhromadźizny. Hłowna zhromadźizna ma so na zakładže namjetowaneho jednanskeho porjada přihotować.		

	za namjet: 15 prećiwo namjetej: 2 so hłosa wzda: 0
	Přestawka wot 18.51 do 19.20 hodź. Po přestawce je Mila Libšowa přitomna.
4.5.	Namjet prezidija za zahajenje diskusije wo programje
5.	Rozprawa předsydy Domowiny, prezidija Domowiny a člonow zwjazkowego předsydstwa wo džěławosći třěšneho zwjazka mjez posedženjomaj zwjazkowego předsydstwa Rozprawa člonam ZP pisomnje předleži a předsyda Domowiny doda k někotrym terminam hišće informacije.
6.	Naprašowanja člonow Domowiny a hosći k serbskim naležnosćam Městopředsyda Domowiny Marko Hančik zdžěli, zo naprašowanjow njeje.
7.	Informacija k aktualnym aspektam džěławosće zarjada Domowiny a Rěčneho centruma WITAJ Hłowna jednačelka rozprawja wo džěle zarjada. Hłownej nadawkaj staj tuchwilu přihot hłowneje zhromadźizny a mjezynarodneho folklorneho festiwala. Stupace kóšty su problem, kotrež wobćežuja přihot festiwala. Kulturny rum je sumu wo 17.000 € skrótsił, tež město Budyšin wo skróščenju swojeho podžěla přemysluje. Zawěsće su za někotre pozicije změny trěbne. Dale zdžěli jednačelka, zo je we februaru młodžinska referentka Virginia Hanuzowa swoje džěło nastupila. Wjednica RCW dr. B. Brězanowa nawjaza na pozitiwnu informaciju. Socialny team je zaso kompletny, tři sobudžělačerki su so z maćerneho dowola nawróćili. Nažel pak stej dalšej wupisanej džělowej městnje hišće njewobsadźenej. Swójbna schadźowanka – přeni króć w Radworju – bě wulki wuspěch, dokelž su mnozy jara skutownje podpěrali. B. Melcher hišće doda, zo su džensa 6 wosobow rěčne certifikaty za schodženkaj A1 a A2 wotpožili. Sobudžělačer je z Madlenu Norbergowej šule wopytał a bookii předstajil. Na prašenje člona gremija, kak hodža so stupace kóšty za MFF kompensować, wotmołwi hłowna jednačelka, zo so wo jednotliwych pozicijach za MFF tuchwilu hišće jedna. Konkretnje wuprajenja tohodla tuchwilu njejsu hišće móžne.
8.	Aktualna debata člonow zwjazkowego předsydstwa Člonka gremija informuje wo (digitalnym) wuradźowanju kubłanskeho wuběrka. Mjez druhim su diskutowali wo prašenju, hač je namołwa ze stron kubłanskeho wuběrka na priwatne wosoby resp. lajkow móžna a witana, šule podpěrać při serbskich poskitkach. Dalši člon gremija namjetuje, zo bychu medije dyrbjeli wosoby předstajić, kotrež su na tutym polu hižo aktiwni, na př. w Radworju a Budyšinje. Po měnjenju hłowneje jednačelki, njech to člonojo wuběrka tež na hłownej zhromadźiznje tematizuja. Městopředsyda Domowiny hišće doda, zo pak dyrbi so ze zamołwitymi w šulach tež wo tym rěčeć. Nic zo so zajimcy přizjewja a jednotliwe šule to potom docyła nochcedža abo potrebu nimaja.

9.	Wšelčizny a informacije Předsyda Domowiny informuje wo próstwje ze stron Załožby za serbski lud: Pytaja zwólniwych za jury, kotraž ma zapodate přinoški we wobłuku wobědžowanja "Řěč zwjazuje. Řěc zwězujo." hódnoćić. Čłon zwjazkowneho předsydstwa praša so, hač su nastupajo předfinancowanja projektow nowe dopóznać. Dalši čłon gremija informuje, zo přihotuje so wotpowědna změna spěchowanskich směrnicy, kotraž ma přidatnym počezowanjam towarstwow zadžělać. Předsyda Domowiny čłonam ZP zdžěli, zo je Załožba Domowinu džensa popołdnju pisomnje wo tym informowała, zo je list wot SMWK wo pruwowanju wuslědka wólbow Załožboweje rady dnja 13.01.2023 dóšo. Čłon gremija zwurazni swoju přestapjenosć. Nima žane zrozumjenje za to, zo mějachu SN tydžěń do toho hižo informacije, hačrunjež běše to oficialne naprašowanje Domowiny. Postupowanje Załožby ma w tutym dypku za njeseriozne. Čłon zwjazkowneho předsydstwa džakuje so za přeprašenja NSLDŽ na předstajenje, kotrež hižo wjele lět čłonam ZP připósćelu. Z tym so džělo čłonow ZP na wosebite wašnje hódnoći.
	Přizamknje so njezjawny džěl posedženja.

Po protokolu prezidija z dnja 08.02.2017 maja so informacije zasadnje pisomnje a dočasne čłonam prezidija posrědkować. Po protokolu ZP z dnja 29.04.2017 ma so posedženski čas gremijow na 4,5 hodžinow wobmjezować a měło so posedženje najpozdzišo 22.00 hodžin skónčić.

protokol: M. Šusterowa
přehladaťoj: M. Di Sarnowa, D. Statnik



DOMOWINA

TOP 2.

Zjimanje wuběrka za nutřkownu demokratiju a serbsku ciwilnu towaršnosť

Naćisk za stejišćo k wabjenju dorosta za serbske institucije

Lubi přećeljo a lube přećelki, luby bratře, luba sotra,

na zhromadnym posedženju wuběrka za nutřkownu demokratiju a serbsku ciwilnu towaršnosť z wuběrkom za zjawnostne a wukrajne džěło smy wo móžnosćach wuradźowali, kak bychmy w přichodže dorost za naše serbske institucije wabić móhli. Steji mjenujcy dwójny problem před nami. Na jednym boku mamy městna wosobow pola RCW, Domowiny, Załožby za serbski lud, LND, w serbskich šulach a pěstowarnjach atd. narunać, kotrež so bórže na wuměnk podadźa. Přidatnje pytamy dalše fachowe mocy, kotrež móža nowo wutworjene městna – tež w zwisku ze strukturnej změnu – wobsadzić. Jeli-žo tole njezdokonjamy, hrozy nam strach institucionelneje ineficiency, kotraž by jara na škodu serbskeho ludu była.

Slědowace namjety smy wudźěłali.

Jako přenje smy so zaběrali ze žórłami za potencielne džěłowe mocy, nimo konwencionalneho puća wabjenja šulerjow w serbskich wotchadnych lětnikach. Tutych je po našim rjadowanju šěsć.

Sprěnja su to Serbja, kotřiž tuchwilu zwonka Łužicy bydla, so pak rady do domizny nawróćić chcedźa. Zo bychmy jich aktiwnje narěčeć móhli, dyrbymy šěršo informować, na př. přez socialne medije abo z pomocu newslettera.

Zdruha widźimy potencial Serbow we Łužicy z wobłuka němskich džěłodawarjow. Tole je wosebje atraktiwne, dokelž njeje kóždy serbski młodostny při wukubłanju hnydom na džěło w serbskim swěće myslit. Lěpšina serbskeho wobswěta tež na džěle pak je sylny argument za tute wabjenje, kiž móže so tež pola šulerjow nałožować. Direktnje narěčeć móža so tute na přikład na powołanskich wikach. Wabjenje, poskićenje praktikuma a wukubłanskeho městna w serbskich institucijach je tule kmana móžnosť džěło zajimcam zbližić a pokazać.

Střeća je móžno zajimowanych Serbow, kotřiž nimaja dokładnje pytane wukubłanje jako přidružnikow zaprijeć a dale kubłać. Tule pak mamy zaručić, zo so nowačcy wotpowědnje wobstaraja, zo bychu nowe nadawki prawje zmištrowali. Dale je wažne w jednej instituciji wotpokazanych kandidatow z jich dowolnosću pola druheje přizjewić.

K štwórtemu je přiwabjenje wučerjow z Českeje, SLA-hudźbnikow abo institutnych wědomostnikow pokazało, zo hodźa so tež zajimcy ze (słowjanskeho) wukraja přiwabić. Tule mamy wosebje na to hladać, zo so nowi cyłostnje widźa. Tak maja so tež priwatnje do serbskeje towaršnosće integrować a wosebje spočatnje pomoc při čězach skićić. Potential widźimy wosebje pola přećelow Serbow w Českej a Pólskej, hdžež mamy hižo wotpowědne struktury a kontakty (na př. SPL w Praze).

Jako pjate žórło widźimy zajimowanych Němcow. Tute žórło zda so być jara wulke, ale mamy wězo rěčny aspekt wobmyslić. Tak by so dyrbjało zaručić, zo móže nowy kolega w přemim lěće intensiwny kurs serbsčiny wopytać. W tutym wobłuku widźimy tež potencial w měšanych serbsko-němskich mandželstwach. Němskorěčny partner by tule hižo měł wěsty dohlad do serbskeje rěče a wobswěta.

K šestemu mamy na eficientne zasadžowanje serbskich džěłowych mocow džiwać. Tak njebychu směli žane dwojenja w nadawkowych wobłukach nastać. Při wutworjenju nowych institucijow resp. wotrjadow abo projektow měło so cyle jasne na definiciju nadawkow kedźbować a tute tež jasne wotmjezować. Tola tež hladajo na etablěrowane džěłowe městna měła so eficienta stajnje přepruwować.

Konkluzija

Wšitke tute naprawy přewodźować móhł „**serbski headhunter**”.

Nadawk tutoho headhuntera njeje jenož nowe džěłowe mocy přiwać, ale w zjawnosći tute džěła šěrić, konkretnje za sobudžělačerjemi pytać a je po nawabjenju podpěrać. Móhł skutkować w přěnim času jako narěčenski partner tež w priwatnych naležnosćach, kaž nawjazanje kontakta k rjemjeslnikej abo serbskemu towarstwu. Tole móže so we wěstej měrje z integraciskej politiku Němskeje za wukrajinikow přirunować, ale w mjeńšim ramiku. Prašenje drje je tule, što móhł to płaćić a kak dotho by tajka integraciska pomoc trěbna była – myslimy na poł do jednoho lěta. Dalša powšitkowna naprawa je skerje snadny image serbskich institucijow w zjawnosći polěpšić – dyrbi jako transparentne, bliske, zajimawe, potajkim jako „cool” płaćić tam džěłać. Tak měli tež džěłowu kwalitu a naroki młodych na džěłowe wiki wobkedźbować.

Prašenje na kóncu je hižo narěčane financowanje. Namołwjamy, naše namjety, kaž městno headhuntera, w jednanjach wo přichodne finančne zřěčenje Załožby za serbski lud tematizować. Dale njeměła załožba jenož sama jako finančna zepěra słužić. Tež dalše zjawne srědky měli so wužiwać. Tak financuje džěłowa agentura Sakskeje pomocy za so do domizny wróćacych – „Förderung der Arbeitsaufnahme”. Tež tutu a dalše móžnosće měli zapřijeć.

Nam je wědome, zo njeje žana z naprawow sama kmana problem falowacych džěłowych mocow rozrisać. Tuž ma so kombinacija naprawow namakać. Dale móžemy tež w priwatnym za džěło w Serbach wabić a nowosće dale dawać. Snano je najwažniši faktor ideelneho razu: džěło za serbski lud a narod.

Witamy tež dalše ideje ze stron zajimcow, kotrež móžeće zarjadej Domowiny zdžělić.



DOMOWINA

TOP 4.1.

Předłoha čo. ZP 70/2023

za 11. (rjadne) posedženje Zwjazkowneho předsydstwa Domowiny dnja 12.05.2023

Zapodačel předłohi:

Clemens Škoda

Awtor předłohi:

Clemens Škoda, referent za kulturu a wukraj

Nastupa (předmjet wuradźowanja):

**dalše powołanje do přihtowanskeho
wuběrka "Serbske mustwo – Europeada
2024"**

Slěd wobjednanja předmjeta předłohi:

gremij resp. organ Domowiny	datum	wuslědk wuradźowanja resp. doporučenje
prezidij	02.05.23	doporučenje k schwalenju
zwjazkowe předsydstwo	12.05.23	

Namjet za wobzamknjenje:

Zwjazkowe předsydstwo wobzamknje:

Domowina powoła we wothłosowanju ze Serbskim Sokołom z. t. dalšēju zwólniweju do přihtowanskeho wuběrka "Serbske mustwo – Europeada 2024":

**Milana Funku a
Pawlu Simulic**

Za wuběrk płaći prawo na narunanje po jednanskim porjedže za čestnohamtske skutkowanje. Wuběrk móže sej swójski džěłowy porjad dać.


datum: 11.04.2023

CLEMENS ŠKODA (digitalnje)

.....
podpismo zapodačela

Financne wusutki wobzamknjenja: wudawki za posedženski pjenjiz a jězbne wudawki

Financujomnosć je so pruwowała:


podpismo jednačelki/jednačela
resp. referentki/referenta

Wuslědk wothłosowanja:

za namjet:

přečiwo namjetej:

hłosawzdaće/a:



DOMOWINA

Předloha č. ZP 71/2023

za 11. (rjadne) posedźenje Zwjazkowego předsydstwa Domowiny dnja 12.05.2023

Zapodačel/ka předlohi:

prezidij zwjazkowego předsydstwa

Awtor/ka předlohi:

Madlena Di Sarnowa, referentka

Nastupa (předmjet wuradźowanja):

powołanje fachowca do wuběrka ZP

Slěd wobjednanja předmjeta předłohi:

gremij resp. organ Domowiny	datum	wuslědk wuradźowanja resp. doporučenje
prezidij	02.05.2023	doporučenje k schwalenju
zwiazkowe předsydstwo	12.05.2023	

Namjet za wobzamknjenje:

Zwjazkowe předsydstwo Domowiny powoła Křesćana Korjeńka do wuběrka za nutřkownu demokratiju a serbsku ciwilnu towaršnosť.

datum: 11.04.2023

U. DiSandro

podpismo zapodaćela

Financne wusutki wobzamknjenja: posedženski pjenjez a narunanje jězbnych kóštow

Financujomność je so pruwowała:

Indis Solane
ala: (datum a podpismo je

(datum a podpisno jednačelstva, resp. referenta)

Wuslědk wothłosowanja:

za namjet:

přečiwo namjetej:

hłosawzdaće/a: